

## Piremõ Pawre kot Piremõ hwÿr kagà nē mēnh

Pawre na pre kagàja nhÿpêx nē hkràmnhwÿ Piremõ hwÿr kumē. Na pre Piremõja amnhÿm kām àpênh xwÿnh Onesti japrô. Kàxpore ho haprô nhÿm amarÿ kām àpênh o pa. Tã tanhmã hamaxpêr to nē hkaga nē ma umaj krÿ hō hwÿr hprôt nē tēn amÿxu nē kamã pa ho pa. Hãmri nē Pawre pumu nē kām amnhÿ jarē. Pawre arÿ kēp prês nē hkrÿ ho hkrÿ nhÿm Onesti omu nē kām amnhÿ jarē. Hãmri nhÿm Pawre kām Jejus jarē nhÿm kuma nē hkôt amnhÿ xãm kurê kumrêx. Hãmri nhÿm Pawre ja hã omu nē hkràmnhwÿ Piremõ mã kagà nhÿpêx nē kamã Onesti xyr pē kām kapêr. Hãmri nē hipêx pa nē Onesti mã kugō nē ma akupÿm õ patrãw Piremõ wÿr kumē nhÿm ma mō. Nhÿm Pawre kagàja kamã kām kapêr nē kām:

<sup>1</sup> Pa ixkràmnhwÿ Piremõ? Xà amex? Ixpê Pawre na pa awÿr kagà nhÿpêx nē kumē. Apê Kris kôt ixtō hã inhmã akÿnh. Na ka hte ixpyrà nē Kris mã tanhmã amnhÿ nhÿpêx to ho apa. Ta ot pa awÿr kagàja kamã ixpêr mē.

<sup>2</sup> Amã nē anhōrkwÿ kamã Tÿrtÿm kapêr mar kaxyw mē kēp Jejus kwÿ hã mē pikuprōnh xwÿnhjê hwÿr. Nē Kris kôt pahtōx Apti mē Akip wa hwÿr kumē. Akipja na hte mē pahpyrà nē Pahihti Jejus mã tanhmã amnhÿ nhÿpêx to ho pa.

<sup>3</sup> Na pa hte mē ato Mēpanhÿpêêxà maati Tÿrtÿm mē Pahihti Jejus Kris wa hwÿr rãhã ho ri ixpa. Kot

mẽmoj to mẽ akutã nojarêr rãhã nhũm wa ÿ hã mẽ  
ajamakêtkati nẽ axàmnhĩx apa ho apa kaxyw.

*Pawre kot Piremõ nhỹ hã hkĩnh ã harẽnh*

<sup>4-5</sup> Na pa pre ajarẽnh ma Piremõ. Na htem xatã  
tanhmã inhmã ajarẽnh to nẽ ajarẽnh o:

—Hêxta waa nẽ. Piremõ na hte amnhĩ kaxyw  
Pahihti Jejus Kris kôt hamaxpêr tỳx nẽ kãm mẽ  
ixpê Kris kôt hkwỳjê piitã hkĩnh pê tanhmã mẽ ixto  
mex to ho ri mẽ ixkôt pa.

Anhỹr o inhmã ajarẽ pa mẽ kuma nẽ anhỹ hã  
ixkĩnh nẽ ato Tĩrtũm wỳr rãhã ho ixpa nẽ ato hwỳr  
o:

—Pa Tĩrtũm. Na xep hte Piremõ kãm akĩnh tỳx nẽ  
akwỳjê ho mex rãhã ho pa. ãm hãmri na hte ã mẽ  
hipêx anhỹr o pa.

<sup>6</sup> Na xep mẽ piitã mẽ kãm tanhmã Jejus kot mẽ  
inhnê amnhĩ nhĩpêx to hã harẽnh o ri mẽ hkôt pa.  
Jakamã kêr ka tanhmã mẽ kot mar xwỳnhjê hkrã  
hto kê mẽhprĩ hã mar tỳx nẽ Kris kot tanhmã mẽ  
ho mex to hã amnhĩ tã omu.

Anhỹr o ato kuwỳ.

<sup>7</sup> Ate Kris kwỳjê ho mex o apa jakamã te ate pa  
ixto mex pyrãk Piremõ. Na htem anhỹ hã hkĩnh nẽ  
pa. Pa ijaxwỳja ajarẽnh ma nẽ anhỹ hã ixkĩnh tỳx  
nẽ jar mẽ hagjênh xà kamã ixkrĩ.

*Piremõ kot Onesti kamã ukaprĩ hã Pawre kot  
kãm karõ*

*Rõmãn 15.7; Epes 4.31*

<sup>8</sup> Nã ixte amã mẽmoj jarẽnhja tanhmã kute hkêt.  
Kot paj ãm amã mẽmoj jarẽ nẽ hã awỳ. Nom kot paj  
Kris nhỹ hã amã tanhmã hã karõ hto hkêt nẽ.

<sup>9</sup> Kot paj ãm pahte axpẽn to pahkràmnhwỳ hã hã awỳ. Ra ixwej tỳx nẽ Kris ã arĩ mẽ hagiênh xà kamã ixkrĩ htã mẽmoj tã awỳ ka inhma nẽ inhmã ho anhỳr japêr ko.

<sup>10</sup> E amã àpênh xwỳnh Onestija na ixte amã harênh kaxyw. Na pre man ixwỳr mỗ. Ixpê prês nẽ ixkrĩ nhũm ixwỳr mỗ. Pa omu nẽ kãm Jejus jarẽ nhũm inhma nẽ pahpyrà nẽ amnhĩ kaxyw hkôt hamaxpêr nẽ hkôt amnhĩ xãm. Jakamã te kêp ixkra pyrãk. Hãmri nẽ ixto ajuta mex o pa.

<sup>11</sup> Xep kormã Jejus kôt amnhĩ xãm kêt ri na pre amã àpênh mex kêt nẽ. Nẽ kãm kaga nẽ htỳx ri tanhmã àpênh to ho pa. Tã ra Jejus kôt amnhĩ xãm hãmri nẽ katât kôt inhmã àpênh mex o pa. Nẽ ixto ajuta mex nẽ. Kojax akupỹm amã apê hãmri nẽ amã àpênh mex nẽ.

<sup>12</sup> Jakamã ot pa akupỹm awỳr kumẽ ixkràmnhwỳ. Nom inhmã hapê jakamã koja ma akupỹm mỗ pa ho ama nẽ. Tã kot paj akupỹm awỳr kumẽ.

<sup>13</sup> Kot jar ixri arĩk nẽ apãnhã tanhmã ixto ajuta hto ho paja na inhmã hprãm.

<sup>14</sup> Jakamã kot kaj amã akupỹn ixwỳr mênh prãm nẽ mãmri ixwỳr amẽ. Nom ixte ja pumunh kêt. Kam nẽ amã hprãm xà hkôt tanhmã kãm akapêr to. Kãm anẽ kê akuri arĩk nẽ amã àpênh o pa rỳ akupỹn ixwỳr amẽ.

<sup>15</sup> Nom konên. Mãn akupỹm awỳr mỗr nẽ kêp Kris kôt akwỳ hã amã àpênh mex kaxyw na pre Tĩrtũm ixwỳr kumẽ nhũm ixwỳr mỗ nẽ ixri Jejus kôt amnhĩ xãm nẽ ixri pa hã mytwrỳ hkwỳ hapêx pa akupỹm awỳr kumẽ.

16 Nom ra kêp amã àpênh xwýnh pix kêt mãânên kêp Kris kôt atõõ. Jakamã kot kaj wa atar axpên kôt Pahihti Jejus kôt tãm amnhĩ nhĩpêx o ri apa. Nom mãânên kêp ixkràmnhwý mex ã inhmã hapêê.

17 Jakamã kot kaj ixpê Kris kôt akràmnhwý hã ijarê hã kot kaj mãânên inhmã ho mex o apa.

18 Nê wam amã àpênh o pata ã mãn pre apê mẽmoj to ahkĩ rý akàxpore hkwy ho ahkĩnh japêr. Tã pa kot paj hpãnhã amã amnhĩre. Ka inhmã tanhmã kàxpore jarênh to pa amã amnhĩre.

19 Ixpê Pawre kot paj tanhmã kot ato tewên toja pãnhã amã amnhĩre. E pa amnhĩ nhĩhkra ho ã amã amnhĩ jarênh ã kagà anê. Nom ajaxwýja na ka tanhmã ixto tewên to Piremõ. Na pa pre amã Jejus kot mẽ panê htyk ã harê ka pre inhmar xà hkôt hkôt amnhĩ xãm. Jao ixpyrà nê atĩr tũm nê apa ho apa mã xwýnhnta pãnhã te ate ixto tewên pyrãk.

20 E kwa ixkràmnhwý. Ixpyrà nê apê Kris kwý jakamã kêr ka ixkamã axukapřĩ hã inhmã Onesti ho mex nê. Kêr pa ja hã ajarênh ma nê ixkĩnh nê tãm ijamaxpêr.

21 Nà ra ixte apumunh mex kênã. Kot kaj ixte hã awýrta kôt hipêx. Ja kaxyw na pa amã kagàja nhĩpêx nê awýr kumê. Nom kot kaj ãm ja pix ho anhýr kêt nê. Kot kaj ixte hã awýrja kôt amnhĩ krã hkôt tanhmã ho mex to. Nà kot kaj ho anê.

*Pawre kãm Piremõ hwýr mõi nê omunh prãm ã harênh*

22 Nê Tĩrtũm kot mẽ awýr inhmênh kaxyw mẽ ate ixto hwýr o apa jakamã koja apu tokyx ma mẽ awýr inhmê. Jakamã kwa kêr ka ixkutêp tanhmã mẽmoj to mex to. Kêr pa mẽmo arĩgro hã mõi awýr

pôj ka ra ixkutêp tanhmã amnhĩ to hpa nẽ ãm ixpix kãm ajamak o apa.

<sup>23</sup> Nẽ ota Epasja awỳr hpěr mẽ. Na hte ixpyrà nẽ Jejus Kris ã mẽ hagjênh xà kamã kêp prês nẽ hkrĩ ho hkrĩ.

<sup>24</sup> Nẽ Makre nẽ Aristak nẽ Tẽmti nẽ Rukre mẽ awỳr hpěr mẽ. Na htem ixpyrà nẽ Kris mã tanhmã amnhĩ nhĩpêx to ho pa nom ixrom mẽ kêp prês kêt.

<sup>25</sup> E kê Pahihti Jejus Krisja akutã nojarêt rãhã ho pa. Ta ãm ja pix. Ixpê Pawre na pa amã kagà nẽ awỳr kumẽ.

**Tĩrtũm kapër ã kagà nyw**  
**New Testament in Apinayé (BR:apn:Apinayé)**

copyright © 1999 Wycliffe Bible Translators, Inc.

Language: Apinayé

Translation by: Wycliffe Bible Translators, Inc.

Apinayé [apn], Brazil

**Copyright Information**

© 1999, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Apinayé

**© 1999, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-21

---

PDF generated using Haiola and XeLaTeX on 18 Apr 2025 from source files  
dated 29 Jan 2022

383a4e22-34cd-505f-9cc2-2f9921e7aa9f